



Digitized by the Internet Archive
in 2019 with funding from
Wellcome Library

<https://archive.org/details/b30504624>

AD
ILLUSTREM ET MAGNIFICUM VIRUM,
DOMINUM

LUCAM SCHROECKIUM,

Med. D. Archiatrum & Comitem Palatinum Cæsareum
Splendidissimum, S.R.I. Nobilem, Academiae Leopold. Carolinæ Imperialis Na-
turæ Curiosorum Præsidem Celeberrimum, Augustæ Vindelicorum Reip.
Physicum, nec non Collegii ibidem Medici Seniore & Vicarium
perpetuum famigeratissimum, &c.

Patronum atque Fautorem suum longe
colendissimum,

DISSERTATIO EPISTOLARIS,

quâ,

VIRO SUMMO

In Ephemerid. Naturæ Curiosorum A. III. Dec. II.

præeunte,

*sinistram vulgi & ipsorum Litteratorum quorundam de Generatione Patella-
rum, ceu dicuntur, Iridis, der Regenbogen-Schüsfelein, earumque eximiis, ut falso
jactantur, Virtutibus, opinionem & commenta examinat & confutat;*

EIDEMQUE

DE DIE NATALI LXXXIII.

auspicatissimo

submisso ac pie gratulatur

M. JO. ALEXANDER DOEDERLINUS,

Reg. Maj. Borussicæ Scient. Societ. Collega, nec non Lycæi Weissenbur-
gensis in Noricis Rector.

Weissenburgi Noricorum,
Litteris CAROLI MEYERI.


WELLSOME ET AL. MEDICAL

LUCAS SCHOLARSHIP

THE SCHOLARSHIP IS GIVEN TO THE STUDENT WHO HAS MADE THE MOST PROFICIENT AND ORIGINAL CONTRIBUTION TO THE SCIENCE OF MEDICINE

ESTABLISHED IN 1880

DEPARTMENT OF MEDICINE



THE DEPARTMENT OF MEDICINE

315780

WELLSOME ET AL. MEDICAL

WELLSOME ET AL. MEDICAL



*ILLUSTRIS ET MAGNIFICE
VIR!*

Quamvis calamitatis ac damni animæ non minus, ac corporis saluti falsa ac inanis de re aliqua persuasio & inde nata vana superstitio ac præjudicia inferant, neminem sane fugere arbitror. Quid in sacris detestanda ista moliantur mala, non attinet h. l. dicere. In Foro Medico quot & quantas sæpe strages edant, rectius norunt, qui saluberrimæ medendi præsumunt Arti. TE testem invoco, VIR SUMME!

At vero & in Numis reperiri, quo libidinem exsatiaret nefas execrabile, admiratione non minus ac indignatione dignissima res est. Ut suppetere inter populos nationesque commerciis instrumentum idoneum, vinculumque societatis apprime commodum, Numos olim fuisse inventos, fabricatosque, quis, quæso, est, qui nesciat, aut eat inficias? Nec, qui primarium dudum etiam comitatus est, usum, quo rerum memoratu dignarum conservatur memoria, improbo, aut damno. Sed fusque deque habito illo nummum fine genuino omnium prudentum consilio constituto, quis, quæso, emunctæ naris homo ferre possit, ut citra omnem rationem, propriis ab ipsomet Summo Numine constitutis salutem corporis humani fartam tectam servandi mediis neglectis, aut etiam, quod vel maxime impium, rejectis, superstitiose ad numos decurrant, & salutis suæ præsidium inde

A

sibi

sibi petant male feriat homines? At vero turpiter petunt, idque non nostro modo perditissimo factitant ævo; sed & olim, quod mireris, ausi sunt.

Auctores nefandæ hujus impietatis Ethnici quin fuerint, adeoque ipse Cacodæmon, ὁ μὲν ἰσχυρὸς, nemo forte pius in dubium vocaverit. Quæ de Syrorum *Teraphim* ex fabulis Judæorum ad commentum amuletarii antiquitatem adstruendam tradunt *Seldenus*, a) *Beyerus*, b) nec non *Hottingerus*, c) brevitatis ergo prætereo. d) Item, quæ de amuletis cælo demissis, majoribus æque ac minoribus, disputat *Paschius*. e) Id unum hic dixisse sufficiat, ipsis gentilibus sanioribus displicuisse ejus, de quo loquimur, generis amuleta. Ecquem enim fugit sub Imp. Anton. Bassiano Caracalla damnatos fuisse, *qui remedia quartanis tertianisque collo annexa gestarent?* f) Et sub Constantio *pronunciatum capitis reum interiisse, si quis anile incantamentum ad leniendum adhiberet dolorem, aut remedia quartana, vel doloris alterius, collo gestaret*, novimus. g) Damnavit etiam Ecclesia primitiva artem amuletariam, Conc. Laodic. Canon. XXXVI. cavens, *ne, qui sacrati sunt, ac Clerici, magi sint, vel incantatores, vel Mathematici, vel Astrologi; vel ea faciant, quæ dicuntur amuleta; quæ quidem sunt ipsarum animarum vincula. Eos autem qui ferunt, ejici ex Ecclesia jussimus.* h)

Sic abire jussi, vel ipsis Paganis judicibus, in malam crucem, qui amuleta, qui numos Talismanicos, i) pararunt, amarunt, collo

a) De DIs Syror. Syntagm. I. c. II. p. m. 96. sqq. b) Additam. ad Selden de DIs Syror. Syntagm. p. m. 190. sqq. c) Apud *Paschium* Invent. Nov. Antiqu. C. VI. p. 400. d) Conf. Lex. Histor. Univ. Basil. Tom. III. f. 580. e) l. c. f) Vid. *Æl. Spartianus*, in Vit. Caracallæ. Conf. Ill. *Pachelblij* Diff. de Superstitionibus, an in foro Soli sint punibiles? p. 10. g) *Ammian. Marcellinus*, Lib. XVI. c. XII. h) Conf. *Paschius*, l. c. p. 398. i) Vid. *Seldenus*, l. c. p. 117. sq. *Beyerus*, l. c. p. 205. sq. Conf. *Cangius*, seu *du Fresne*, Glossar. Latinit. med. ad voc. Talisman. Tom. III. fol. 1171. *Ott. Sperlingius*, Epistol. de Bracteate. p. 63. sq.

lo gestarunt, ut febres, ut morbos, ut dolores lenirent. Et ex coetu suo ejici jussit artium, in quas invehimur, vanarum studiosos purior antiqua Ecclesia. Ecquid ergo nos toleramus, quod vel ipsi Gentiles tolerare turpe sibi duxerunt, & purior Ecclesia anathemate vindicavit? Absit ergo per omnem pietatem, ut turpi capti *δεισιδαίμονια* amuleta, si vel ipso cœlo delapsa perhibeantur, k) admittamus, & non potius cane pejus & angue aversemur.

At amuleta cœlo delapsa, & primæ quidem Classis, l) creduntur & habentur Scutellæ illæ aureæ, quas perperam vulgus *Guttas*, seu *Guttulas Iridis*, *Patinas* & *Patellas Iridis*, *Spermata Solis* & *Iridis*; *Iridis* item. *Flores*, *Guttas Apollinis*, *Asteriscos*, *Αρασκηλίδες*, *Schemeschtakin*, &c. & in vernacula *Regenbogen-Schüsselein*, *Himmel-rings-Schüsselein*, *Sternen-Schoß*, *Meteorische Pfennige*, *die der Regenbogen aus seinem Schoos fallen lasse*, m) &c. adpellare consuevit; n) nominibus sane ac titulis speciosis satis & magnificis, sed falsissimis, adeoque vanissimis. Quorum turpia omnino incunabula cum TE, Θεόφιν Μησόρ ἀτάλαντε! nullus, rectius de scutellis nostris sentientium, exhibuerit dilucidius, clariusve, ipsissimis doctissimis verbis Tuis in iis describendis uti mihi, quæso, liceat. Ita vero scite non minus ac terse de illis sentis ac scribis: o) *Forte autem stellata illa in patinis illis potissimum occurrens figura rudioris ingenij, aut rusticanae profapia, aliquem permoverat, ut, cum in reperta fortuito in agro patella talem conspexisset, cœleste aliquod corpus esse debere, hæc superstitiose concluderet; cumque Iridem à Deo in signum gratiæ constitutam sciret, ac post imbrem, arcus cœlestis subjectum, quo latitans prius sub terra scutella à sordibus adherentibus repurgabatur, ut sic nitore suo oculos perstringeret, invenisset, ex ipsa tum visa Iride, præcipuè si unà dimi-*

A 2

diatus

k) De amuletis cœlo delapsis vid. laudat. Paschius, l. c. p. 395. l) Id. l. c. m) Vid. Paullini Philosoph. Lust-Stunden, P. II. p. 524. sqq. n) Add. Cl. Ringmacher. Tr. Historico-Polit. Quæst. II. p. 70. sqq. & modo laudatus Sperlingius, l. c. p. 65. o) Ephemerid, laudat. Dec. II, A. V, Observ. 203. p. 417.

diatus ille arcus stellulae latus cingens comparuerit, descendisse sibi persuaserit. Hinc, quia humana mens nimia credulitate, rerum imprimis naturalium cognitione neglecta, seipsam toties decipit, talismodi effatum invenire fidem facile potuit.

At quid ais, VIR ILLUSTRIS! invenire potuisse fidem vulgi commentum? Invenit certe, & illo quidem maxime Seculo, quo omnis regnabat barbaries, inque rebus potissimum physicis infelix ac sterile coëcutiebat ævum. Somnia tum pro cœlestibus venditabantur veritatibus, & quæ in naturalibus æque ac historicis obscura, prodigiis, divinisque adscribebantur miraculis, omnipotentiae divinæ, quæ ignorantiae sæpe asylum esse cogeatur, *τεμπέλοισ.* Quid? quod haud raro & ipsa hominum prægrandia molimina Satanæ operum veniebant nomine. p)

Rectius, quod obiter commemoro & laudo, nostrum sapit Seculum, quod, cum de omnibus dubitare docet, nihil intentatum relinquit, nihil inexploratum, nihil, quod non ex propriis, genuinis, & quoad ejus fieri potest, limpidis petat, hauriatque fontibus, & hypothesebus superstruat satis probabilibus; faceffere jussis, ut in Historicis commentis *Berosi, Metasthenis, Manethonis*, & quæ ejusdem farinae sunt, *Annianis & Trithemianis* fabulis & quisquiliis: ita & in Physicis *Zaharella, Mendoza, Suarezij, Fonsæ, Conimbricensium*, aliorumque, Scholasticorum maxime, maleferiatorum, Magistris suis, innumeris, quod ajunt, parasangis ineptiorum, placitis ac theorematibus inanibus, futilibus, vanissimisque; in illorum contra locum substitutis numis, marmoribus, inscriptionibus, MSptis, Chronicis, Archivis, &c. & si qua alia, quæ particularia, quæ specialia & indubitata fideque digna antiquitatis suppeditant monumenta; in Physicis vero, ad intimioris naturæ recessus scrutandos, præter sedulam mentis penitus rei explorandæ deditæ & ab omnibus præjudiciis liberæ

at-

p) Vid. Schediasma nostrum de Impp. Adriani & Probi Vallo & Muro Nordgav. vulgo *Teuffelsmauer* dicto, p. 31. sq. It. Lex. Histor. Univ. Basil. T. IV. f. 586.

attentionem, per instrumenta apprime idonea ac utilia, nec non certa experimenta, motus legibus probe observatis, accurata Phænomenorum causarumque exploratione, curiosis observationibus, &c. Quibus quantopere corporum Mechanismus, probe exploratus, nec non scite excogitatæ, veroque quam simillimæ Hypotheses, &c. velificentur, explicare instituti nostri h.l. non est.

Quæ de Guttularum, quas dicunt, Iridis, earumque generatione & origine qui scripserunt, si attendissent, & non testibus auritis magis, quam oculatis, iisque fide dignis, credidissent, minus sane incauti, eoque nomine risu digni, quæ ex plebeculæ falsa traditione hausere, captassent, acceptassent & commentis suis incrustassent. Haud sane errat vulgus, & rustica quidem gens, quæ totos dies colendis agris intenta, adeoque vel isto nomine ut reperiatur in agris patellas istas aureas sola fere digna, cum Irides conspiciuntur, reperiri maxime plebeculæ hasce delicias persuasa; at elenchum causæ non causæ minime attendit: Imbribus sane, quos Irides ut plurimum comitantur, aut sequuntur, ut lutulentis lapides, ita & luto tecta, inque superficie terræ latitantia metalla, coruscantia maxime, nitori suo redduntur, & conspicua fiunt; quemadmodum tempore alio nullo non clavi modo ferrei, sed cujuscunque generis numi in plateis, viis publicis, imbribus intermissis, plures visuntur, colligunturque. At vero & eodem tempore in Iride patellas aureas à Sole generari, minime sequitur; & non minus falsum est, ac si quis statuatur, tempestate pluviosa, clavos, de quibus dixi, ferreos, numulosque, conflare.

Sed & hæc parum pensi habentes Philosophi & Astrologi superiorum Seculorum, approbata semel vulgari de Generatione Patellarum nostrarum sententia, mirum quantum, ut probabiles rationes physicas traderent, laborarunt, desudaruntque. At vero ut unum absurdum parturit quamplurima, & veritate cum semel aberrat animus, nunc hoc, nunc aliud sibi figit, & ubi acquiescat tuto, non habet: ita πρῶτον ψεῦδος, Iridibus ac Soli deberi ἀσχηλίας, quos dicunt, non potuit non ad invia deducere & κρησφύγετα, quod ajunt, incertissima, inepte philosophantes.

Quæ

Quæ famosus ille aurei velleris jactator, q) *Theophrastus Paracelsus*, r) & cum eo non incelebris quondam Basileensium Astrologus & Alchymista, *Leonh. Thurneisserus*, de Patellis nostris, earumque generatione sentiant, haud obscure ex sequentibus posterioris verbis colligere est. Ita vero ille: s) *Dieses sind guldene gantz dick formirte und vwie ein Schüßlein holechte Groschen, oder Pfennige. Sie vwerden Gutta Apollinis (Solis) und spermata Solis und Iridis genennet. Sollen von Krafft der Sonnen durch VVürckung influentischer natürlicher und elementischer Krafft, vwann Sol die Regenbogen bescheinet, in puncto der Zusammenkunfft der radiorum Solis & Iridis gehling erschaffen und also formiret vwerden, und hernacher herabfallen. Sie vwerden auch Schemeschtakin von der Sonnen und einer heimlichen spiritualischen præparation also benahmset. t)*

Ab utroque parum discedit *Til. Frisius*, u) ex aliorum, & quidem peritorum hominum relatione sibi constare, perhibens, è cælo aërio aliquando, *Iride valde lucida ac splendorem suum in guttas pluvie à se jactante, eas elapsas: nec improbabile sibi videri, ceu meteorum forsan, aut prodigium quoddam, ineffabili Dei virtute mirabiliter operante, tam in aëre portentosis pluviis lapidum, sanguinis, frumenti, quam in terra & metallis, auro, argento, &c. prout Sol etiam suam imaginem, faciem scilicet flammis circumdatam lapidibus suo fulgore impressisse observatus sit: ita non minus etiam nummos illos pluentes miraculum quoddam existere potuisse.*

Digna etiam, quæ notentur *Drexelii* x) verba: *Iris, ut ferunt, cum jam semicirculum suum expandit, aurum spargit, & plerumque, ut ajunt, in aquas. Hoc Iridis donum auream scut-*
tel-

q) Hoc titulo Philosophum vanissimum & Theologum nequissimum mactat *Cl. Geretus*, in, de Nævis Medicorum Theologicis, Dissert. p. 6. 33. sq. r) *Lib. IV. de Impress. Cœlestib. c. XV.* s) *In Onomast. p. m. 44.* t) *Conf. Sperlingius l. c. p. 64. It. Tentzel. Dial. Menstr. A. 1689. p. 900.* u) *Specul. monetar. Lib. I. c. XXII. Conf. Ringmacher. l. c. p. 70.* x) *P. II. de Christo moriente c. VII. §. 5.*

tellam nominant. Der Regenbogen verzettelt ein guldenes Schüßselein, quæ formam habet auri scutellati concavi, sive repandi, crassioris nummi, die Schüßseler Pfennig, &c. z) Celeberrimus Sturmius suæ ætatis vulgi, de aureis, quas dicimus, Patellis, sententiam paucis hisce exponit verbis: a) Hoc interim adhuc monemus, credi à vulgo, illas patellas reperiri, ubi Iris se potet, hoc est, alterutrum crus in rivulum, aut lacunam aliquam demiserit, si quis (quod addunt alii) celeri pede assequatur illum locum, antequam Iris inde discesserit &c.

Quibus affinia, quæ ἰσορινώτατος noster Paullini b) refert: *Der Freyherr von Seprode, &c. hat D. Lentilio, Oettingischen Archiatro und Physico zu Nördlingen, unterschiedliche Regenbogen-Schüßselein gevviesen, und anbey gesagt, der Hirt hätte sie, vvo der Regenbogen sich tränckt, (vwie die Francken reden) und seine Bein von einander thut, dreymahl beym Schloß Erckebrechtshausen, in Franckenland gefunden, &c.*

Quibus vulgi somniis & fabulis frigidam suffundunt, qui semen quoddam auri in meteoris latere, nec non panspermiam in utero aërio quiescere autumant, aut similibus phrasibus chryso-goniæ aëriæ velificantur. Quibus cum faciunt, qui Patellas nostras partus pluviae à Sole imprægnatæ salutant, c) speciosisque à Græcis non minus, d) ac Ebræis, Rabbinisque, petitis titulis e) maculant.

Negas adeo, inquiunt, ab Iride, aut potius in & cum Iride, generari aureas patellas, cum tot testes adsint oculati pariter ac auriti, ii-que non contemnendi? Nego fane & pernego, & mecum quidem omnes, qui narium sunt emunctiorum. Πρῶτον ψεῦδος paulo ante ob oculos posuimus. Deceptus est Paracelsus, deceptus est

z) Tentzel. l. c. 902. a) Differt. de Iride, p. 28. b) Philosoph. Lust-Stunden, P. II. p. 523. sqq. c) Apud Ringmacher. l. c. p. 73. d) Quo spectat vox Ἀρασηλῖος, à Gr. παρασκευῇ & ἥλιος deducta, utpote quos Sol in aëre ipsis præparat, & spiritu peculiari formatos in terram decidere facit. It. Σπέρμα Solis, &c. e) Schemeschtakin à שמש Sol, & קין ordinari, dirigi, dicuntur,

est *Thurneisserus*, rusticanæ plebis & rudioris ingenii hominibus scutellas aureas in agris, imbre & Iride præviis, splendentes, reptasque ostentantibus, exhibentibusque, credulas aures commodantes. Deceptus testis auritus *Frisius*, decepti denique, quotquot eorum pressere vestigia. Ecquid enim Iris valeat, generetve, cum ipsa substantia non sit, sed aliquid tantum apparens, immo revera nihil & non-Ens? teste celeberrimo *Menzelio*. f)

At Iris, objiciunt, signum gratiæ est. Est fane, id quod Theologi cum primis non nesciunt. Sed aurum cum Iride, aut in Iride, non promissit Conditor ter optimus, ter maximus. Quod si vero, instant, ab Iride & in Iride non generentur Patellæ, in nubis forte fecundæ gremio eas gigni, naturamque & spiritum peculiarem à Sole imprægnante, matreque nube, ipsas sortiri, & mox in terram, ubi alterutrum crus se demiserit, excuti, haud plane ἁτοπον fuerit statuere?

Σοφὰ φάρμακα! Iris incertum definitumque non cadit locum: mutat cum Sole pariter ac nube, nec non oculo spectantis, sedem, & tandem, ut abeuntis in speculo facies, evanescit. Id quod & acutissimus ille Gallus, *Ant. le Grand*, g) non ignoravit, interprete laudato *Paullini*, h) hac de re non in scite commentans: *Der Regenbogen scheint nicht allen zugleich und einerley, sondern einem so, dem andern so. Soviel Augen auff ihn gerichtet sind, soviel Regenbogen hat man. Ein jeder siehet seinen eigenen, und einer auff einmahl mehrere. Wer das Haupt empor hält, dem wird der Regenbogen auch emporgehoben; vver es aber nieder druckt, dem wird er auch nieder gedruckt. Stehestu, so steht er auch; bevvvegstu dich, so thut ers auch. Er wird mit dir herum spazieren, tantzen und ruhen &c.*

Quo supposito rectissime fane in laudatis scholiis Tuis, i) VIR MAGNIFICE! concludis, & TE cum *Sturmius* noster, ὁ παναγίτης, k) quia

f) In laudat. *Ephemer.* l. c. g) *Histor. Natur. P. VI. Art. 9.* h) l. c. p. 525. i) *Ad Observ. Menzelii, Ephemerid. l. c. Conf. Tentzel. l. c. p. 905.* k) l. c. p. 93.

quia, Iris, scribens, non omnibus apparet, sed sua cuique videtur, indeque tot in nube picti conspiciuntur arcus, quot oculi sunt, qui versus eam dirigantur: hoc sane pacto, ob innumerum fere Iridum succedentium numerum, plures, immo innumerae, tales guttulae aureae forent: quod vero contra experientiam. Immo cum ex guttulis pluvialibus stillantibus à radiis solaribus illustratis producatur, (Iris) singulis etiam quasi momentis novam etiam oculis Iridem apparere necesse est, succedentibus subinde in delapsarum locum novis aliis ex nube, in pluvialia illa specula se resolvante.

At vero panspermiam corporum, adeoque semen quoddam auri, in utero quiescere aërio non negat celeberrimus *Lentilius* l) Res dubia est. Et finge, certam esse, unde, quaeso, Patellarum formam, certum definitumque unius, dimidia, duarumve drachmarum pondus, notasque diversissimas &c. deduxeris? m) Id quod & illis oppono, qui ex aurifodinis exhalationes aureas, nubes imprægnantes, jactant & urgent. Quas exhalationes equidem morose non negaverim, ut qui inficias ire haud ausim, Solem materias varias & semina, cum rore maxime, attrahere solere, è quibus herbæ, animalia, lapides, &c. generentur; idque illo maxime tempore, cum Iris apparet, quo sol magna vi, aquosa & vaporosa attrahit, nubesque summopere ingravidatae & crassae sunt. Ponamus vero & supponamus, non scite magis ac pulcre, quam vere ista dici: ad scutellas tamen nostras aureas in aëre formandas nondum ea sufficiunt. Quomodo enim, quaeso, quod & Tu, VIR ἀρχιτέκτων! alicubi urges, quove motore, illae in altum evectae exhalationes, longe dispersae illae atomi, uniantur, concrecant? &c. Imber potius aureus, qualem olim super Rhodios, Minerva nata, *Homero* & *Claudiano* testibus, n) nec non

B

Imp.

l) In laudat. *Ephemerid.* Conf. *Ringmach.* l. c. p. 73. m) *Sturmius* l. c. p. 93. n) *Lib. III. Laudum Stiliconis.* Conf. *Sperlingius*, l. c. p. 68. sq. It. *Comment. nostra de Numis German. Bracteāt. Weissenb. Noric.* inque agris vicinis haud ita pridem repertis, §. XXX.

Imp. Matthiæ tempore, o) excidisse ajunt, vi dictorum prorumperet.

Nec est, quod urgeant Patellarum Iridis, earumque generationis coelestis, Patroni particularum aurearum in gremio nubis liquationem, qualis in sacculis fulmine percussorum pecuniæ fusio fieri solet; &, qualis sulphurearum, nitrosarumque particularum in fulmine observatur, constipationem: si quidem & hac concessa liquatione non minus ac constipatione, nihil aliud, nisi informis auri nasceretur massa, & sine certis figuris certoque pondere corpus.

Sed instat *Frisius*: ineffabili Dei virtute, tam in aëre, quam in terra mirabiliter operante scutellas, de quarum origine disputamus, aureas cum Iride generari posse & excuti. In causas, easque naturales, inquit Physicus, non quid DEUS, qui omnia potest, possit; nec fingit, aut supponit, si qua res altioris indaginis est, aut videatur, rationi contraria: supponit vero, quibus tuto, certiora dum edoceatur, in notabilioribus rerum phænomenis acquiescamus, Hypotheses sanæ rationi convenientes. Pluvias quod atinet mineralium, animalium, lapidum, &c. portentosas, quas suggerit *Frisius*, lapidibus item natura formante impressas figuras; habent, dummodo, quæ tradantur, ficta, ut pleraque, non sint, quod respondeant melioris notæ Physici; & respondit prolixè satis ὁ φυσικώτατος *Paullini*, p) alij. q)

Sed & numos, eosque cufos, pluiffæ sæpe, annales temporum tradunt. r) Fictas esse narratiunculas de pluviis numum tantum non omnes vix dubitaverim. Largimur tamen & ipsos è loco aliquo, in quo neglecti olim jacuerint, s) ventorum vehementia,

p) *Philos. Lustbarkeit. P. III. p. 899. de Lapidibus certis figuris insignitis (quos inter notabilis maxime fílex grandiuscula, 126. numis antiquis prægnans,) Conf. Sperlingii nostri Epistol. ad Collector. Nov. Lit. Sept. A. 1700. p. 243. sq. It. Cl. Stadleri Coment. in Act. Erud. Franc. T. I. P. IX. p. 610. sqq. q) Laudat. Sperling. Epist. de Num. Bract. p. 69. Ringmach. l. c. r) Sperling. l. c. s) Menzel, ap. Ringm. p. 73.*

tial, qualis, ubi cœlum, nube densa in pluviam se resolvente, turgēt, haud infrequens est, in altum posse deferri, inque alium deinde locum pondere suo delabi. Quamvis & hoc liberaliter dum admittimus, verendum sit, ne gravissima sua censura, aut invectiva potius, nos feriat Ill. Dn. de Ludevvig, t) *Man muß sich bewundern, inquiring, daß weil man heut zu Tag wohl weiß, daß sich in den Wolcken keine Müntzmeister auffhalten, man dennoch sagen will, die Sonne zöge solche so genannte Regenbogen-Schüsfelein, welche eine Eyer-runde haben, und in der Größe, als ietzo die gemeine Pfennige eingetieffet sind, auff. Dann daß es zuweilen Vögel, Rauppen, oder auch anders leuchtes Gezeug geregnet; solches ist entweder dem Wind, oder aber der Luft zuzuschreiben, in welchen dergleichen Geschmeis entweder gezeuget worden; oder von einer Windsbraut in die Höhe geführet werden mag. Welches aber zu den guldenen Schüsfel-Pfennigen sich nicht erstreckt: dann weil das Gold keine Steiffe, wie das Silber, bey sich hat, so mußte man die guldene Bracteatos desto dicker, und um deswillen auch desto kleiner machen. Bey welcher Beschaffenheit selbige der Sonnen Zug, oder Sonnen Stofs, oder auch die Winde, wohl auff der Erden liegen lassen sollen: so wenig man sich in einer Festung, für welcher viel Kugel verschossen worden, zu befahren hat, daß selbige durch die Sonne, oder einen starcken Wind in die Luft gezogen, und den Leuten auff die Köpffe regnen möchten.*

Quod si denique Irides in universo terrarum orbe conspiciuntur, quī fit, quæso, ut isti, quos vulgus fingit, Iridis partus, aureæ patellæ, nonnisi in Germania, & in terris quidem maxime, quas Danubius alluit, reperiantur; veteresque rerum naturalium Scriptores, Græci æque ac Latini, quos inter Aristoteles & Plinius agmen ducunt, nullam plane earum mentionem faciant? u) Qui fit, ut non eadem omnibus auri bonitas, &, quod sæpius diximus, non idem pondus; sculpturæ item ac figuræ, si quas habent, non

B 2

omnes

t) *Introduct. in rem nummar. med. ævi, c. IV. §. I. Add. Moseri Animadv. p. 4. u) Conf. Sturmii Dissert. de Iride, p. 93.*

omnes enim habent, diversissimæ ? Somnia adeo sunt & Fabulæ, quæ vulgus de Scutellarum aurearum origine fingit, tradit, credit.

Diffipata adeo & explosa vulgi, & qui cum eo faciunt, falsa de generatione Patellarum aurearum opinione & sententia, latissimus jam nunc se aperiret campus in veram earum inquirendi originem; aliis, cum celeberrimo *Menzelio*, x) ornamentis monilibusque Hominum non minus, quam Equorum eas adscribentibus; aliis, iisque tantum non omnibus, locum inter numos antiquos illi tribuentibus, & Byzantinis partim, partim Siculis, Vandalisque; Germanis aliis; & Tecum denique, VIR SUMME! plerisque omnibus, Gothis, aut gentibus Septentrionalibus, eas vindicantibus: dicendi item de materia earum, quæ non nisi aurea, *Frisio* etiam argenteos jactante, y) diversæ tamen bonitatis: disputandi præterea de Figuris quarundam, iisque admodum diversis: differendi denique de ætate ipsarum, deque pondere, diverso quidem, sed determinato; & si qua alia, quæ ad Historiam hujus numûm antiquissimorum generis faciant. Quæ vero omnia, cum pagellæ istæ nostræ non capiant, alio loco & tempore, luculenter satis & fuse enarrare & declarare constituimus.

Ad institutum adeo revertimur, utq; hætenus vulgi, & qui vulgaria sapiunt, falsam de generatione Patellarum, quas vocant, Iridis in gremio aërio opinionem, & vanissima, quibus sententiam suam incrustare conantur, dogmata in scenam produximus: ita & haud melioris fidei de *Virtutibus*, quas jactant, Patellarum istarum insulsa eorum commenta enarrare & perstringere operæ pretium arbitror.

Somniant autem, (ut, quæ in *Moralibus* Patellis aureis tribuuntur, Virtutes admirabiles primum commemoremus,) quid? quod si firmiter sibi persuadent, *nihil non prospere hac in vita ei cessurum*, cui, ut Patellam Iridis reperiat, felici fidere contingat. Et id sibi, velut non leve quidpiam, provectæ jam ætatis foeminam
rusti-

x) Tentzel. l. c. p. 906. y) Apud Ringmacher. l. c. p. 70. Conf. laudat. Ephemerid. Dec. II. A. V. Observ. 159.

rusticam lecto decumbentem, in exponendo vitæ cursu, ultro & sponte retulisse narrat Cl. Ringmacher. z) in juventute, prædicantem, tam felicem aliquando semet à Deo optasse, ut talem Iridis Guttulam (Himmelsrings-Schüsselein vocabat,) inveniret: quod firmiter persuasa fuerit, nihil non prospere sibi posthac in vita, divina benedictione, cessurum; cujus etiam voti sui se brevi post compotem factam, adjecerat. Et quid aliunde exempla peto, ipse, cum tale quid expertus fuerim, viderimq;? Annus est, quo foemina apud nos mercenaria cum aliis in agris metens talismodi scutellam repererat. Quo comperto, conveni foeminam, utque mihi conspiciendam, emendamque præberet, monui. Ostendit illa numum, vendere noluit, ne cum eo felicitatem suam divenderet, reverita.

Nec minora sibi pollicentur, quibus eodem superstitionis æfro percitis hæreditate aut emtione patellam Iridis obtinendi & possidendi copia facta est. Exemplum refert laudatus modo Ringmacherus a) cujusdam, quem norat, opificis, qui ejus generis numulum possidens, tanti dum viveret, æstimabat, ut ne 40. quidem & 50. fl. offerenti divendere vellet, propterea, quod omnem una benedictionem cum illo ex ædibus suis migraturam sibi persuaderet. Et Cl. Paullini b) rusticum Suevum producit, repertam scutellam sex uncialibus æstimantem. Ipse rusticum novi in vicino quodam pago agentem, qui mirum quantum tali in arca recondita patella exultabat, & ne præmium quidem pollicenti ostendebat; tantum aberat, ut magno etiam oblato pretio venderet, eadem, qua alii, falsa mentis persuasione deceptus. Civem quoque inter nostrates diligo, qui, quem pignoris loco aliquando nactus est numum patellarium duarum drachmarum, signo vero plane nullo conspicuum, tam sancte colit & asservat, ut solum gazæ loco habeat, nullo pretio commutandum.

Et hac quidem vana mentis de felicitate humana beneficio patellarum Iridis facta tectaque servanda persuasione, minusque pia superstitione fit, ut non nisi in extrema paupertate constitutis, aut

mortuis illi eripiantur, hæredibusque cedant: Id quod & celeberrimum *Sturmium* notasse memini, *similis est*, scribentem, c) & *magis etiam fabulosus alius effectus*, (Iridis) quo vulgo ea parte terræ, quam iris suis cruribus attingit auream patellam deponi credunt, cujusmodi circumferuntur plurimæ, & hæreditario quodam jure à familiis ad familias transferuntur.

Fabulæ! Patellæ Iridis inventores suos & possessores felices, fortunatosque si redderent, & conservarent, vilissimæ sane miserimæque conditionis homines, pastores, opiliones, messorum, quidurum urgent terræ opus, & ut plurimum patellas aureas reperiunt, omnium felicissimi beatissimi forent deprædicandi. Quid in re consimili, de numis imagine ficti *Equitis S. Georgii* draconem perimentis, conspicuis, multi inaniter statuunt, lippis tonsoribusque notum est. Numorum *S. Helenæ* quas non virtutes fabulosa jactavit antiquitas, & hodiernum multi jactant? d) Et de *Sigillo*, quod vocant, *Solis* in lamina aurea, die dominica, luna signum leonis primo gradu intrante, sculpto seu signato, fingunt, gestantes illud reddere gloriosos, amabiles, gratos, potentes in omnibus operibus. e) Somnia! Fabulæ! ineptiæ & deliramenta otiosorum hominum! Nihil tale admittit sana ratio, Philosophia purior: execratur Christiana pietas.

In re Medica quem usum habeant *Patellæ Iridis*, aut potius habere falso jactantur, generatim ex ore vulgi commemorat *Cl. Paullini*, f) *Dafs aber etliche*, scribens, *dergleichen Schlüsselgen vvider allerley Kranckheit rühmen*, &c. Ex Scholiis autem Tuis, VIR SUMME! speciatim comperimus. g) *Patellam Iridis*, ajunt, *potui febricantium injectam propulsando morbo strenuam conferre operam*. Equidem quid profit febricantibus, quidve obsit, rectius norunt, quibus corporis humani salus, quam quibus Scholæ curæ sunt. At vero ratio, eaque sana, docet, cum *Patellæ illæ* nihil aliud sint, quam numismata veterum aurea, non magis eas corpori prodesse

c) *Diff. laudat. p. 28.* d) *Conf. du Fresne, de infer. ævi Numismat. §. LXIX. Add. Ringmach. l. c. p. 76.* e) *Id. p. 77. Conf. Pasch. l. c. f) L. c. p. 525.* g) *In laudat. Ephemerid.*

desse ægrotanti, quam alii prosint commerciis destinati numi. Ridet, qui felicioris sunt cerebri, cùm, auctore & indignante *Chrysostomo*, h) audiunt, *ex veteribus Christianis quosdam, si cui male esset, Alexandri Macedonis numos capiti aut pedi ægrotantis alligando, medicinam fecisse, &c.* Quidnî & nos rideamus & derideamus, qui, nescio quibus veterum Gothorum numis, eadem sane ratione, febribus medendi virtutem adscribunt? Absit, gentilium numis tribuamus, quod ne Christianorum quidem, iisque sacris, i) adscribere audemus numismatibus; immo ne ipsis quidem Sanctis, eorumque reliquiis, k) quarum virtute gravissimi sæpe morbi propulsati perhibentur. *Partui prætereæ accelerando conferre operam potui injectas patellas Iridis aureas* ajunt. Ridet ineptias & stomachatur plus simplici vice laudatus *Paullini*, l) *daß etliche dergleichen Schlüsselgen, inquiring, rühmen, und die greisende Weiber gen daraus trincken lassen, ist Thorheit und Aberglauben.* Ita & puerperas ditiores ex poculis aureis apud nos valetudinis ergo potare, frequentissime cernimus. Sed & *remedium esse affirmant Iridis scutellas pro conservando visu laborantibus: idque exemplo puella talip atella oculis curatæ probant.* m) *Subest*, respondet *Cl. Ringmacher*. n) *haud dubie fallacia, ut vocant, non causæ, ut causæ, vehemensque imaginatio.* Eadem adeo confidentia rejicitur, qua adstruitur, quod sine ratione, quod falso, adstruitur.

At vero suppetere sibi rationes autumant, qui commemoratas Patellarum Iridis virtutes jactant. Urgent miram & tantum mira-

b) Homil. XXI. ad Pop. Antioch. i) S. Helenæ puta paulo ante commemoratis, Numismatibus, it. Ecclesiæ Pontificiæ sacris, de quibus vid. *Schmidius Lex. Eccl. P. II. p. 148.* Quibus Bracteatos addo, Pfaffen-Pfennige, Heiligen-Pfennigé, vulgo adpellatos. k) Quid Sanctis, eorumque reliquiis in curandis corporis morbis tribuant Pontificii, *Garmanus Diff. de Miraculis*, & ex eo scite docet *Cl. Geretus*, l. c. p. 3. 4. Hinc non inepte *Cl. Pons*, Medicus quondam Lovaniensis, & ipse Pontificius, dicere solebat: *se ejusmodi Sanctorum non esse amicum, qui sese suæ immisceant arti &c.* l) l. c. p. 125. m) *Ringmacher*. l. c. p. 78. n) l. c. p. 79.

raculosam à *Thurneissero* supra descriptam in gremio aërio earum generationem; urgent mirabiles auri virtutes; urgent denique impressa signa, figuras & characteres; experientiam denique laudant, & deprædicant.

Σοφὰ φάρμακα! Generationem patellarum quod attinet coelestem, quâ spiritum peculiarem naçtæ perhibentur, &c. falsissimis, quod pluribus demonstratum ivimus, ea nititur principiis, fundamentisque omnino ficulneis, quibus corrudentibus, & omne id, quod superstruitur, non potest non corrui. *Ex falsis præmissis nonnisi falsa infertur conclusio; & quale fundamentum tale & ædificium.*

Sed auri virtutes plane eximiæ & divinæ sunt, ajunt. *Cardiacum* aurum. o) Aurum potabile, f. Magisterium auri, & Balsamum Solis, Panacéa in morbis omnibus. p) Panacéa Solaris, quam appellant, duplicata *Cnæfelii* in morbis Chronicis, feбри cum primis, mirapræstat. q) Cumque crocus metallorum, r) Martis cum primis, s) antifebrile plane insigne sit, quid de croco Solis, f. auri, non speres? Hinc magnifica illa auri nomina & tituli: *Rex metallorum, Sol, Filius Solis, lapis benedictus, lumen majus*, &c. t) Equidem non nego omnino, & denego auro in re medica virtutes suas, quamvis in dubium vocent alii, u) alii negent, x) pernegent alii. y) Id

-
- o) Ita quidam sentiunt apud *Jungkenium*, Corp. Pharmac. Chym. Med. Sect. III. c. V. p. 230. Conf. *Sam. Dale*, Pharmacolog. p. 53. p) Ita & sentit & docet *Christoph. Hellvig*. Lex. Phys. Med. p. 285. sq. q) Teste Ph. *Grünlingio*, Med. Pract. Lib. V. p. 489. s) Vid. *Richteri* Unterricht von der Gesundh. p. 720. t) Conf. J. J. *Marci* Material-Cammer, p. 152. u) Vid. laudat. *Dale*, l. c. x) *Hannemannus* ex. gr. Conf. Nov. Lit. Germ. A. 1709. p. 174. y) Quos inter Auctor der curieusen Speculationen, p. 132. in hæc inter alia erumpit verba: *Ich gebe vor alle Medicamenten, die aus Gold und Silber bestehen, f. v. nicht einen Floh-Balg.* Cui & aliis Auctoris assertis subscribit celeberrimus *Kanoldus*, Fautor meus singulariter colendus, p. 120. Supplem. II. der curieusen Anmerckungen von Natur, &c. *Hæc omnia hujus Auctoris effata certissime vera sunt.* Conf. *Annal. Wratiss. XXXV. Versuch* p. 245. sq. Add. C. *Hofmanni* Orat. de Barbar, imminente, celeberr. J. *Negelini* Ulyssi litter. subnexæ p. 256. sqq.

Id verò vel maxime nego, nisi, (ut volunt) purgetur aurum, nisi calcinetur, nisi extrahatur, nisi sublimetur, nisi solificetur, nisi mercurificetur, &c. z) & ore denique sumatur, a) ullum auri usum (modo ne abusus sit!) esse in re medica. Ecquid proinde in arculis, in sacculis, inque poculis aureæ prosint scutellæ?

Et quid tandem in divina, sanctissimaque medendi arte præstent suspecti Characteres & vanissima signa & figuræ? Agyrtarum, præstigiatorum, impostorum, magorum, ipsorum denique dæmonum est glaucoma objicere infelicissimorum ægrotantium oculis, animisque. Cane pejus & angue nullo non tempore pii æque Medici, ac Clinici, fugerunt Talismata, fugerunt amuleta; sigilla fugerunt, & quæ quomodocunque ad medicinam faciant, quam diximus, amuletariam; qua si quid forte aliquando præstitum fuerit, artibus potius Satanicis & præstigiis, quam, quæ visuntur, signis & elementis, adscribendum est.

Experientia denique, ad quam provocant, dubia est. Quæ paulo ante de Elencho causæ non causæ diximus, repetere heic nolo. Superstitionis præterea, *quæ etiam, cum prodest, in cultum diaboli cedit*, b) magna vis est, non nego, imò major sæpe, quam credi potest, aut etiam solet. De imaginatione ex falsa persuasione, indeque nata firmissima sæpe ægrotantium confidentia, quæ in re medica multum admodum præstat, tacere jubet brevitatis studium.

At vero finio tandem aliquando, & verbis quidem piissimi Sennerti, *Is DEUM, pulcrè scribentis, honorat, qui DEI opera, qualia ab ipso condita sunt, contemplatur, admiratur & celebrat; in DEUM vero injurius est & impius, qui rebus vires, quas nec à DEO, nec ab arte acceperunt, tribuit.* c) Et hanc etiam Tuam esse mentem, ὃ πολλῶν ἀντ' ἄξιος ἄλλων! semperque non nisi sanam piamque TE sectatum Medicinam, vel ex eo colligo, quod in laudatis sæpius Scholiis Tuis vana de generatione in Iride Patellarum aurearum explosa opinione, & stabilita, quæ Eruditorum tantum non omnium confirmatur calculo, veriori de earum origine sententia, nulla non de virtutibus earum frivola ac sinistra commenta haud minus laudabili impugnasti dexteritate.

C

Et

z) Vid. laudat. *Hellvvig*. l. c. p. 266. a) Conf. *Jungken*. l. c. b) *III. Paschelbl.* l. c. p. 7. c) *Lib. V. Prax. Medic. P. IV. c. 24.*



Et ista quidem præclara pietate Tua, eique juncta (ut de aliis summis Virtutibus Tuis, ne quid auribus dare videar, h. l. taceam,) mira Prudentia, qua plurimis superior, nemini vero secundus existis, dudum meritus es, ut non modo Summi orbis Principes maximo TE complectantur favore, summosque TIBI ex merito decernant, habeantque honores: sed & ipsum Summum Numen nulla non optimorum Bonorum affluentia indies TE mactet largissime, senio cum primis, quo dignus es, vegeto & ex omni parte longe felicissimo. Sive enim Parentum in nos derivatæ sanitati ac vigori vivacitatem adscribamus & longævitatē; sive providæ educationi & congruæ victitandi rationi, laudabilique temperantiæ ac locorum salubritati; sive denique optimis φαρμάκοις, Θεῶν χερί: d) DEI tamen ter optimi munus est & donum vivax & vegeta senectus, canitiesque læta & placida. Haud postremum, quod non ignores, divine SENEX! locum inter Medicos, eosque celebratissimos simul & μακροβίους, cum laude occupant Baubini, Cortesii, Fabricii ab Aquapendente, Febrii, Gockelii, Harvæi, Herlicii, Hoffmanni, Jungermanni, Langii, Menzelii, Petreji, Regii, Reinesii, Schræteri, alii, omnes Lumina in foro Medico longe splendidissima. Eos omnes Meritorum magnitudine & Nominis claritate ut æquas partim, partim & superas: ita & omnes ætate vicisti, & ætate quidem gloria peremmi dignissima.

Ecquis enim inter prælustis Nominis Tui cultores est, quem fugiat, eo ipso, qui in Fastis Mense Septembri B. Faustæ, omine certe faustissimo, sacer est, die auspiciatissimo, TE Natalem LXXXIII. cælo favente, & universo Orbe litterato cum Ill. Academia Leopold. Carolina Imperiali Naturæ Curiosorum, & Augustanis Tuis, applaudente, eo animi corporisque vigore celebrare, ut votis Tuis, & quotquot TE colunt, omnino nihil deesse videatur? Et quid est, quod dubitemus, ominamur potius, & prædicimus, fore, ut in optatissima valetudine rebus Tuis feliciter gerendis quam diutissime adhuc supersis incolumis, admirandum inter Medicos Longævitatis exemplum præbiturus! Et sic, quod omnes εὐλοφύχως optamus & precamur, vivere perge & multis prodesse VIR SUMME! atque Sebizios, Finchios, Gallos, (si quidem, teste Seneca e) ne ea quidem ætas homini extrema est,) & vel ipsum Artis Tuæ celebratissimæ Magistrum summum, Hippocratem, aut, si quidem placeat, divinum Galenum Tuum, annis superans quamplurimos alios Natales lætissimos, bonis omnibus acclamantibus, feliciter celebra. Salve, vale, fave. Dab.

ex Museo ad d. VI. Cal. Sept. A. MDCCXXIX.

d) Conf. Excellentiss. J. J. Bajeri Diff. Epistol. de Longævitate Medicorum. e) Epistol. 92.

